

蠶

司

合

誌

西河合集

蕭山毛奇齡

字大可
又名鼎

朱世昌伯昇
單之倫天常駿

蠻司合誌 四

四川

四川古西南夷國卽漢冉駹邛僰笮都牂牁夜郎諸
地故其地外雜氏羌而內盤羅獠磨屯烏合靡有定
居在前朝小蕃大蕃實界松茂當全川西北屢爲邊
患而沈黎越嶲建昌諸衛環繞蠻獠當全川西南其
中烏羅闕畔交牙互齒宸易啓豐洪武五年播州宣

慰使楊鑑來朝始置宣慰司令仍舊職而其旣龍州
土官薛文勝天全六番土官高英以次歸順仍使文
勝爲龍州知州高英爲天全六番招討司正招討是
時邛州六番招討使方德本元世官明玉珍據川德
從明氏至是亦來朝貢馬乃稍降其職爲黎州長官
曲靖宣慰使祿哲亦元世官至是妻實卜與弟阿哥
亦來貢授卜烏撒女知府哥雷益知州其餘乍降乍
叛茂州土官楊者七已授知州而以叛伏法于是稍
稍經理定播州宣慰司賦稅改永寧長官西陽宣慰
爲宣撫司置平茶邑梅麻陽石耶洞四長官司而以

土酋爲長官置威州千戶所松潘等處安撫以龍州
知州薛文勝爲安撫使又置阿昔洞等十三族長官
及副長官會筠連州滕大寨蠻酋編張等叛命將袁
洪討平之而巴縣蠻王立保自稱應天大將軍燒佛
圖開犯通遠南絕二門播州江度蠻王安茂州土酋
董貼里龍州土官趙宗壽先後爲亂皆移兵勦除之
而立重慶衛并復威州千戶所及茂州衛指揮使司
互相鎮守時四川都司遣兵修灌縣橋梁至天門關
汶川土酋孟道貴疑爲襲已集部落阻陶關道皆擊
勦無遺其他茶蠻洞獠眉縣賊彭普貴宋儂茶洞賊

田大嶽皆隨叛。隨滅。惟建昌衛指揮使月魯帖木兒
并柏興州賈哈喇摩步等相繼稱亂。已遣藍玉爲總
兵擒月魯帖木兒父子獻俘。而哈喇未伏。會沔縣吏
高福興上民田九成。僧李普治謀叛。有何如順者號
天王。大敗官軍。焚略陽縣治。殺知縣呂昌。執教諭呂
銑去。復焚徽州治。殺學正顏叔彬。詔遣都督徐凱指
揮黃中討哈喇。長興侯耿炳文、武定侯郭英討九成
等。皆以次勦平。無遺孽。于是改播州安撫司爲播州
宣慰使領安撫司。二曰黃平。曰草塘。領長官司。六曰
播州。曰餘慶。曰白泥。曰容山。曰眞州。改設東川烏撒

烏蒙芒部四軍民府而以黎州長官司爲安撫司永
寧長官司爲宣撫司領長官司一曰九姓與平茶洞
直隸長官司同隸布政使司而別以西陽石砭二宣
撫司并巴梅洞長官司隸之重慶衛泥溪平夷蠻夷
沐川四長官司隸馬湖府其都司領者則軍民千戶
所一曰龍州招討使一曰天全六番軍民指揮使司
一曰松潘等處領長官司十八曰龍木頭曰靖州曰
岳希蓬曰占藏先結族曰蠟匪族曰白馬路族曰山
洞族曰阿昔洞族曰北定族曰麥匪族曰耆多族曰
牟力結族曰班班族曰祈命族曰勒都族曰包藏族

曰阿昔族曰思義兒族守禦千戶所一曰疊溪此皆
隸兵部武選司者土官則知府四人曰烏撒曰烏蒙
曰芒部曰東川同知一人曰烏撒判官一人知事一
人曰龍州把事一人曰馬湖巡檢八人曰信寧曰倂
促溪曰麻刺村曰昭平堡曰寒冰曰寧戎曰明月曰
三益驛丞七人曰溪龍曰阿州曰祿馬曰蠻夷曰白
水曰太平曰瀘沽改流知府一人曰馬湖此皆隸吏
部驗封司者乃設四川行都司領建昌等六衛而屬
以昌州威龍普濟三長官司永樂初指揮丁龍杜福
撫諭重堅等十一寨生苗三十六戶已謫輸黑鉛筒

布上以市人叛服不常命悉隸西陽宣撫管轄而免其賦役四年置疊溪鬱郎二長官司令屬之疊溪守禦千戶所設吏目一人是時諸土官皆遣貢獨末寧宣撫使阿靖妻奢蘇親入貢乃增設赤水宣撫司隸末寧衛又設重安長官司令屬之播州宣慰而以張佛保爲長官又設馬刺印部二長官司隸行都司設八郎安撫司隸松潘衛又改西陽宣撫司之邑梅洞長官司隸重慶府大率烏蒙烏撒東川芒部以東皆烏蠻獫狁土獠諸種其居多板屋椎髻披氍出入佩刀劍相見以去帽爲禮男長將娶擊去左右齒以子

日。貿易名所集地。爲鼠街。其在播黎諸地。稍慕華風。
婚姻以銅器。毬刀。弩矢。爲禮。燕樂則擊銅羅鼓。橫笛。
歌舞。每博易。不用錢。漢以紉紉茶布。蕃以紅椒鹽馬。
宜德初。麻兒匪族去松潘七百里。有刺麻著八讓。土
聚衆。侵掠遮遏。八郎安撫朝貢松潘衛指揮吳瑋。招
之讓。土向化。使其兒子完土入貢。且言其地廣過千
八郎。請置宣撫以轄之。土乃置麻兒匪安撫司。以著
八讓土爲安撫使。旣而龍州土官薛忠義請陞龍州
爲宣慰。以鎮番戎。不許。時播州草塘安撫所屬穀撒
等四十一寨蠻。長作亂。攻牛場乾溪等堡。救撫之不

從遂勦平之因改龍州宣撫司隸布政司會烏蒙

撒二上知府祿呢

一作祿

尼祿等爭地讎殺遣行人章

聰侯連奉敕往諭而烏蒙讓地上甚獎賞無何茂州

岳希蓬長官司長官血只同與靖州隴木頭長官并

各寨羌民一百七十餘人奏言茂州僻處邊隅與松

潘疊溪生番接界累歲被害有知州陳敏在官能撫

卹人民制馭生蕃今敏以親喪去民失所請本官起

復以安邊境敕令復任乃增設阿用簇長官司隸松

潘衛

先是威茂二州南路生番多次居十五關堡隔河阻

山蟠踞爲忠國初丁玉討定立衛祇就中通路一綫
爲中國所有其他如錢鑪溝走石坡鴛鴦橋石花鞋
畚子灣木驢溝掃冰巖三哨嘴楊廣墩砲腦溝老虎
石翟貴哨石窩墩關門石陡溝子大小橫梁溝沙灣
龍溝秦王箭鏹刀灣掃水巖凉水井黃沙壩索橋頭
五哨溝乾溝黃土坎野貓壩石門坎亂石窖石蛇兒
獅子嘴龍打溝洞子溝沙灣麻谷嘴諸處東路如天
花石三岔溝乾溝子琵琶頂谷驢兒溝高哨子旋風
巖險頭哨高子哨出龍洞丹猪洞落魂橋見巖山
葱溝高哨子大灣松杆子擦耳巖關老巖中巖子龍

黎兒溝高橋雞公嶺大沙灣臘菜坪諸處北路如塞
石巖虹橋關絕塞墩鐵門墩銅柱墩八呷口林燦口
恰乍口惡柘口寒盼口了裕口麻盼口唐弄敵貢壩
栢木橋東勝墩諸處俱番姓出入路也來則逼官道
行劫去則阻河而居諸衛饋餉多被剽截雖歲增防
兵不能捕宣德初大征安南當調松潘軍而衆皆憚
行千戶錢宏奸黠計惟蠻亂可免調乃與其黨尚清
入番寨捕番番大悲番長阿川等號衆出掠殺指揮
陳傑上切責三司官械宏入京誅宏命都指揮僉事
韓整以三千人勦捕而蠻五萬人圍松潘城焚上下

四開威茂。諸衛皆被圍。都指揮僉事蔣貴同松潘指揮吳璋急招之。皆不從。乃勅都督同知陳懷等會兵四萬人自洮河取路進。而蠻方攻圍疊溪。指揮吳玉等遇之。失利。韓整兵亦敗。內臣令番僧失刺藏上等至諸族寨。慰諭兼賜布幣。番長結弟言我。向化四十餘年。未嘗敢亂。而錢宏陳傑無故統官軍。啊喝索生口。捕男女大小。而取吾。爾錢是豈吾歸懷意哉。今朝廷宥我罪。賚我。敢不惟命。遂令結弟遍諭生熟番。十一族古藏。十九族黑水。生番二族。皆納款。去蔣貴遠。止陝西官軍。令勿進。時尚書塞義以龍州。募輕騎。請陞

龍州軍民所爲宣慰不許乃改龍州爲宣撫兼布政
司已而諸蠻復出掠破綿竹縣仍劫威茂二州官軍
戰不利鎮撫侯璉等死之遂勅都督陳懷及方政蔣
貴進兵乃合陝西貴州兵六萬餘人錦衣指揮何敏
等四人督戰蠻方攻筠連巡檢吳璫出家財募兵守
城大兵至合擊破走之乃擣官軍及土兵分道進政
以精銳五千人擊其西北大寨破之貴督兵七千破
任昌大寨而都督指揮趙磐分道各進兵以次討平
龍溪三十七寨前後斬首一千七百餘級墜崖赴水
死者無算餘悉撫定因增松潘衛前千戶所茂州衛

前後二千戶所且增置潘韓寨阿角寨芒兒者三長
官司隸松潘衛諸蠻惕息不敢出巡按御史王翺上
便宜五事其一謂松潘近邊去省城八百餘里番寇
爲害都督陳懷居省城緩急未便雖委官領軍難盡
約束當令懷往彼鎮守以壓邊境其二謂松潘威茂
諸衛所官軍月糧皆成都諸府州縣所運多被劫掠
若令暫于成都諸府州縣等衛倉收貯農隙之際類
集諸有糧者人齊力起運而都司撥軍護之且令布
政司委官交量則道路無虞而收受亦無弊上曰善
遂敕陳懷往鎮松潘正統四年以王翺代懷著威惠

番酋商巴等感悅盡率諸部受約束入貢者接連景泰初諸蠻並起撫臣羅綺檄悔罪不聽乃招募什武得禪師智中牌頭尤弄柯皆豪健各統精銳乘夜銜枚分道搗賊巢綺介冑隨之破撲爬諸寨擒劇賊卓勞阿兒結十餘人戮之既定治以簡易暇卽與番人接杯酒歡番人畏慕終綺任不敢叛成化中諸蠻大劫掠叅將請增兵巡撫夏埏曰將不在兵兵不在衆乃揀精銳四千八百人往更之而一無所增時黑虎寨寇強相傳有神術先知官兵未至卽遁去或潛伏要害竊發屢敗我衆按察使襲鑑獨曰我自不密耳

彼何能知夜半密勒諸將統兵進凡三十里平明抵其寨蠻大驚潰斬縛各千人得其首惡餘潰死無算既而大征破寨二十餘斬五百級降者數千皆編籍輸糧副使束思忠于大石佛嘴鑿山開路人皆便之乃復遍勸惡匪平山諸寨斬首百餘級萬歷中復大征人荒沒舌骨三寨南路盡平時自威茂達松潘從小阿三合漳臘官道兩傍修築邊牆傍護諸往來堵禦竊發一時稱便其後牆稍圯隨時補葺議者謂南路後山自雄溪西寧以達蒲江北定抵鎮平界倚山爲嶺築城設敵樓而鎮兩頭以重關且復增舊牆

其相接以防番寇則輪班戌年可以
其可數千萬其周遭屯種歲之所入亦不
而其說不用

由部寧蠻在叙州西偏介川貴間與永寧芒部烏撒
相接諸峰盤互大壩爲門戶其東則迤爲凌霄又進
九絲旁峙部都寨舊稱九姓後以蠻族焚維改九
絲在結寨無慮千百族宋熙寧間蠻叛用白芳子
兵滅之因作誓蠻文稱民壯爲白芳子國初諸蠻皆
出降入籍輸賦分山都六鄉水都四鄉皆隸之戎縣
而水都平行遁逃無所匿獨山都冥奧不可窮詰故

但稱山都掌蠻宣德初蠻叛官軍討平之正統中復
叛時西北用兵不暇及至景泰元年都御史李匡御
史劉幹始議討以疫作不前天順中都督許貴再討
不能勝撫諭而返至成化改元猶甚川貴撫臣各奏
蠻分劫州縣遂命川撫江浩貴撫李浩總兵官芮成
副李安徽原調官軍刻期會剿時翰林侍讀周洪謨
謂蠻各有主請擇蠻人有望者立爲長官司隸之本
府統各寨夷民而漢民則統之戎縣流官使各有分
屬則夷情自定而副總兵李安復請委束寧宣慰奢
貴赴大壩令輩夷就宣慰營轄議莫能決國子學錄

黃明善獨昌言曰夷漢分屬不無近理信如安泰則
泰貴平日所轄土僚羿蠻尚不能鈐束以致攻燒屯
堡殺掠軍士其能撫都掌之衆哉命下總兵官審處
而苗成等已先進兵剗西華等鄉分道擊殺遂破賊
寨斬六百餘級會貴州兵至竝集全鵝池合攻大壩
并遣指揮孫泰督芒部土兵截賊後路末寧土兵守
落放山口賊不能支乃遣阿圭等三十七人詐降軍
門思存卒生變以圖內應成驟擒之阿圭袖小刀左
右擊刺無所用乃燒賊三十七寨斬賊首五百八十
七級報捷甫還師賊復出掠值給事中秦崇御史吳

漏抄軍政印遣崇等會川貴兵敗賊小峰堽青岡坎
諸處斬賊首四百七十餘級復還師敘功苗成李浩
秦崇等皆次第陞賞而賊以次年召諸蠻阻山大寇
乃決計大征襄城伯李瑾爲總兵官程信爲兵部尚
書督軍往討信至永寧分大軍三道四川軍山戎縣
貴州軍山芒部雲南軍山普市水腦竝入期共會大
壩而自督兵入金鵝池時南寧伯毛寧亦至爲左哨
敗賊李子開伐木開道官軍發神鎗勁弩乘風縱火
焚龍背豹尾七百五十一寨米倉三千八百一十一
所斬首一千六百餘級生擒三百四十一人至大壩

攻山都六鄉焚一千四百五十七寨米倉九百八十
一所斬首三千十七級生擒九百五十三人獲銅鼓
六十三面牛馬猪羊盔甲鏢弩牌刀旗幟弓箭無算
餘賊遁山箐者皆搜勦無贖願降者聽有匿天井水
磨諸洞者下令遍塞諸洞門而環以兵月餘死洞中
臭達十餘里官軍爲謠曰洞勿開有臭蠻乃并平九
姓土僚之附賊者遷瀘州衛於渡船舖增置江門水
流崖洞掃處關堡改大壩爲太平州設長官司分故
都掌地隸永寧芒部加信兼大理卿進瑾榮爲侯餘
各領賞有差

播州漢牂柯郡也唐改耶州旣又改播州楊氏世有其地元世祖授楊邦憲爲宣慰使賜其子漢英名賽因不花封播國公國初楊鑑內附使仍爲宣慰改隸四川領黃平草塘二安撫真播自泥餘慶重安容山六長官司統七姓爲田張袁盧譚羅吳而田張致大世爲目把永樂初楊昇奏所轄當科篤雍等十一寨蠻人梗化不服上命昇討之宣德中楊欽正統中楊炯陽綱皆世修職事獨綱子輝傑黠多豪舉天順初私圖土民黃保等爲火者管婆妾田氏以其所生子美居長屢欲奪嫡安撫宋綱長官毛釗執不可曰楊

氏家法立嗣以嫡不以長獨奈何素之輝不得已乃
立嫡因名庶曰友名嫡曰愛言相友愛也然而嬖庶
之心終不忘倖客張淵說輝曰主官欲貴孟主而卿
卿與仲主爲讎毋論勢有所未便即使奪仲以與孟
不過剽吾左以益吾右耳且重貽口實以滋後議何
不別爲孟主地雙貴而朋立是使孟創業而仲傳世
也輝曰爲之奈何淵曰天霸諸苗主官部境也山箐
險遠慙而易虐誣之曰賊因請兵討之然後歸功孟
主而請立安撫以治其地誰曰不然輝大喜乃立召
容山長官韓道重安長官張通告以生苗反狀使止

變境爭之謂苗實不反輝怒杖宣通惶恐叩頭曰反
友請從輝署名上變上命都御史張瓚同輝進勦殺
諸苗千人輝乃賂瓚疏友功且曰友謀勇冠軍手刃
七賊時友甫十三歲乃請設安撫于安寧授友安撫
使而以張淵爲長官然友實未嘗之官也

安撫紀錄
彙編作宣

既而爛土諸苗賈果等忿天霸以無辜受戮時時
攻安寧瓚又疏請于凱里寨築城衛之費糧數十萬
成化十九年輝死愛修怨于淵淵屢謀殺愛不克二
十二年丹章諸苗寇安寧四川叅政謝士元副使翟
廷蕙都指揮楊綱以兵往過播州詣愛家置酒高會

翼日視學適州民賽社土元等坐學宮臨觀愛復攜
酒至訓導楊禮炮然曰視學而觀社提兵而樂酒略
等威而歎下屬竊爲明公耻之士元等大慚而起時
淵伺愛隙謂愛實通苗越境爲亂故歎官軍逗遛修
私怨爲文報貴州守臣而致書舉人路義使之通路
值安撫宋紹獲其書以示愛愛乃易其書遣使投義
義信之遂詣貴撫陳楊愛友狀貴撫不聽且曰播非
我轄也義爲書復友而愛執之愛遂據義書報川撫
將聲罪發難友大懼淵嗾友上變言愛結苗夷反叛
造火器旗纛金瓜鉞斧調總旗等號親軍圍割土民

立金龍門于宅前而開尚囊等鐵冶令僞閹官煉熟
鐵爲軍刀置織造院收民人趙其一百餘戶充織匠
造龍鳳蟒袍立商稅局于白田壩起調軍兵三千餘
衆假水西送喪演習武藝設教坊司以僞閹官掌其
事內民家龐兆朋女勝真福真等一百餘名充女樂
教習儀制每遇節旦愛衣龍衣自稱國主天主而稱
其妻地主且置後宮奪趙高僧幼女玉真爲宮妃用
巫師魘魅庶母貴氏禁父妾馬真將真等宮中姦使
有身皆強淫宮婢宋真不從裸之縛于杙率羣狗導
之淫凌辱狼藉而後殺之科派各里人民分上中下

三戶得金銀若干萬兩養老莊田子粒若干萬石珊瑚樹若干株珍珠簾若干絰玉圭若干笏馬若干匹牛若干頭管夢騎龍登天門上帝謂之曰此南方帝子也既醒龍成五色因作詩有霹靂一聲震天下南方須起赤鱗龍之句廷議大駭立命刑部侍郎何喬新錦衣衛指揮劉綱會川撫及巡按鞠之俱不實淵坐妖言律路義削籍友論死贖免發保寧城中鞫管未幾友黨纂友歸與愛讎殺不已且糾衆攻播州焚愛居第及公私解宇略盡廷臣方請討會大征鄢藍兵不暇及未幾友卒廷議謂逋友雖死子弘尚存當

仍調兵食以彰國法而川撫劄奏謂弘父友構亂法
同難宥但友構亂時弘尚幼穉似當開自新之路與
以更始况友所焚殺已經始土例折償及還所侵奪
于官宜授弘冠帶土舍而其旣愛死子斌豪甚舊制
土官有功祇賜子衣帶及旌賞部下人員無陞職加
銜者斌以平昔安蠻功于正德初加四川按察使銜
賜蟒衣玉帶弘忌之仍起讎殺及弘卒重安土舍馮
綸等又以怨弘誘諸苗攻安寧貴撫鄒文盛反命斌
討平之而請復安寧安撫令弘子弟得襲舊職廷議
不許嘉靖六年弘弟張復以爲請時張盜邊劫得白

泥司印信復與斌子相重相讎殺較前更烈守臣乞
改凱里屬貴州以張為土知州以解釋之事久不決
初廷議謂楊張習父兄之惡幸免于辜輒敢肆然執
印以要君且其所爭田莊及椎理殺人等罪尚未得
決正宜收置于理令其悔過還印償所奪寨苗諸地
而驟議復職未便其後用兵部尚書胡世寧議謂張
黨已成若不因而撫之恐流禍無已乃復張凱里安
撫屬治貴州而相則襲播宣慰如故然其讎殺仍自
若也請云骨肉鸛膺參商播凱

西河合集

蕭山毛奇齡

字僧朗
又名氏稿

陶賓仲王較
蔡文子問

蠻司合誌五

四川

二

正德二年鎮監羅箭奏威茂所轄卜南村曲山等寨
自弘治四年叛後不服征徭者十七年矣至是來歸
乞為白人請衣巾願納糧差白人者其俗以白為善
以黑為惡也

嘉靖二年馬湖土巡檢安宇自言從征年久累獲首

功奏乞改註職官兵部覆宇本土知府安鰲之子法
當安置廣西因四川用兵暫留行間雖有功例應給
賞而宇故辭之陰爲開復土官之地則先朝岑猛岑
濟事可取鑒也上然言遂不許

先是楊斌子相襲播宣慰職以祖父嫡庶讎殺訟禍
數世至今不已相不之鑒仍寵庶子煦欲奪嫡烈而
其妻張氏甚悍與子烈盜兵逐相相走水西死烈乃
乞水西還父屍播故有水烟天旺地與水西近水西
宣慰安萬銓屢挾奏不可得至是要之必歸地而後
子屍烈陽許之及得屍悔約讎殺相攻剽垂十年總

督傳郎馮岳討平之岳乃奏三省接壤民苗之衝若
四川餘慶之走馬坪播州之慶關貴州石阡之龍
泉司各立哨堡於重慶偏橋等衛委指揮三人督兵
防守仍移銅仁叅將于石阡移思石守備于龍泉控
扼播州令犬牙相制而後設重慶府通判一人使之
駐龍泉以收糧稅則控馭較便也上然其言

靜州長官司土舍節貴以叛見誅并亡失印信其弟
車勾請襲職部議謂叛人子孫法當廢革但車勾頗
著忠勤宜特與承襲統攝羌苗仍照例納穀五千石
免其赴京報可

天旺落六寨土女酥卽孳產北壯而獸尾衆以爲女
與畜交故有此三度關守者白之總督馮岳將訊之
唐曰蠻族本穴居巢卧人獸相襍此卽槃瓠馬人之
故習也何怪焉遂救壤所產而置女不問

苦部土官隴慰死其子隴壽與隴政支祿爭立朝命
以嫡故立壽而隴政支祿倚烏撒土舍安寧等數爲
亂且稱兵向壽壽亦借水西兵相抵牾而政竟殺壽
收壽印川撫王軌與御史劉徽上其事徽言宜順從
夷情以立支祿而軌言隴政支祿同以犯公殺朝廷
命吏罪不赦詔遣參將何卿督勦之斬支祿并賊黨

二百餘緡俘二十餘人降者數百而政奔烏撒卿令
土舍安寧及土婦奢勿擒政以獻安寧初許諾既而
出獻阿核阿達屍云政無有久之傳政死兵部議奏
芒部隴氏疊起蕭牆騷動兩省王師大舉始克蕩平
今其本屬親支已盡無人承襲請改芒部軍民府爲
鎮雄府設流官知府統之分屬夷良母響落角利之
地爲懷德歸化威信安靜四長官司使隴氏疏屬阿
齊白壽祖保阿萬四人統之其朝貢馬匹如程番府
例以重慶通判程沆陞試知府松潘叅將何卿兼提
督守其地許之旣而夷目沙保謀復立土官隴氏遂

挾衆叛攻鎮雄府城陷之執試知府程洗而奪其新
印殺數十百人洗奔畢節川貴守臣急遣使招撫沙
保已送出鎮雄府印乞降然尚持兩端欲復立土官
如故上遣川撫王廷相同何卿提兵進勦土官阿濟
稱沙保已殺死廷相據聞而芒部諸夷復挾沙保子
普奴爲亂聲言壽有子隴勝在河濟處隴氏實未絕
請復土官而使隴勝襲其職官軍與戰于畢節不利
既而御史施山總兵牛桓且稱沙保亦不死阿濟言
不實敕行提督尚書伍文定同鎮巡官搜捕沙保并
擒獻普奴而兵部尚書李承勛復以文定專主用兵

非計詔文定回京于是或勦或撫相持不決者數
年川撫唐鳳儀新任仍救勦捕且專責阿濟使之擒
沙保斬于軍門乃奏言烏蒙烏撒東川三土官故與
芒部爲唇齒自芒部改流官諸夷懷不平反者數起
今懷德長官阿濟等雖自詭擒賊而其復土官而存
隴氏之心實未嘗忘也臣請如宣德中復安南故事
俯順夷情則不假兵力禍源永塞時川按戮金貴按
察講奏與同而兵部尚書胡世寧覆言輩流官而復
隴氏未便大芒部自成弘以來數自讎殺斯時未設
流官也今隴政以爭鬭誅死隴壽又死而隴勝方幼

諸夷皆云非隴氏子故前都御史王軌不得已奏設
流官知府分四長官司各統其衆制非不善徒以軌
等遷去知府程洸迂暗不能斟酌故芒部復亂今諸
夷輒易其詞云願復隴氏夫壽政皆隴慰親子猶相
爭殺二十餘年今勝非真壽子也一旦得立使阿濟
得弄諸股掌其他三長官司所統各寨萬一不平而
各導一隴姓者求立守臣能爭之乎若謂烏蒙諸土
官咸懷不平而芒部上人終障流官約束則請諭鎮
巡以仍設土官之意然後收芒部舊印與鎮雄新印
收四長官司及各寨頭目能守法奉職三歲不爲亂

者聽巡屬布政司不復制以府治或立土官知府及
流官統轄者皆隨所願其隴勝今布政司轄留教育
俟別處缺用無何敕命奏于部夷穴不可守宜俯順
夷情以立土官而府屬儀等奏勝實隴壽其子益私
通長官阿濟者即所生者夷俗重骨脉聚所嚮服
宜量授府佐今統束四長官司仍選流官經歷如舊
三年之後果能率職奉貢始准復舊銜其鎮雄之名
不必更改四長官司亦照新設諸從其言後復收威
清兵備仍還安莊添設兵備一員于貴州往剗畢節
專制畢節赤水永寧烏撒諸處而增防守官軍八百

名下各站所事不舉去其戊畢節者則量從貴州撥入統之兵備作防禦焉

嘉靖二十五年白草番亂陷平番堡及興酒關鹵指揮使丘仁殺百戶耿時等勅議罷川撫王大用副將高岡鳳而以都御史張時徹都督何卿代之時徹乃議分石泉壩底龍州兵爲三哨復調天全格討使高繼光馬湖長官王祥等率土兵徼徇及建昌諸衛兵助之生擒首惡黑殺李保白石兒白石撒刺等斬首七百級俘男女二百七十七人燬礮房四千八百七十餘牛馬器械儲積以薦計

山都寧蠻有凌霄九絲都都諸寨凌霄者阿苟之
據也苟之先在天順成化間謀不軌兵部尚書程信
襄城伯李瑾討平之其後有阿其嘗爲盜未敗嘉靖
間以從征賜冠帶卽苟父也苟有增阿辱作大事紀與
其黨阿歪么兒阿繆皆桀驁多膂力至是重以爲可
恃遂衣蟒衣張蓋策駟馬所至用鼓吹響呼夾道而
馳萬歷二年都御史曾省吾御史孫代聞于朝下兵
部議先是兵部尚書譚綸曾撫川奏都蠻爲患其來
已久今遣尊復熾當先練關隘游兵以備不測乃募
浙人製烏銃者銃發口啞而死者數人蠻甚憚之至

是綸請征。敕省。晉及總兵劉顯進勦至大壩。僅獲其酋長阿果。梟斬之。然苟益不平。乃流殺長寧諸處椎埋坑儒生。刎剔孕婦。其時有羅氏女。冬兒被執。不可辱。則支解而非之。樹間都御史貴劉顯觀望。且慮諸蠻多效尤。相繼起。乃調永寧宣撫奢效忠與水西土舍安國亨各以萬人至。同指揮守備陳險從三路入。而副使李江參議沈伯龍轉漕軍中。會武舉人李之寶與阿苟善。同知洪一貫使爲間。誘執之。乃乘勢轉戰連獲阿辟阿奔等。斬首二百級。檻阿苟獻軍前。苟卽首笑曰。么兒在。雖執我何益。出么兒苟義兒多力。

者也。顯乃設伏馬草坡襲落豹惡。淚坎寨然後向凌
霄攀藤援木而上。都蠻皆走。獨么兒以滾木壘石當
我軍。我軍稍却步。兵鄒龍奮而前曰：「諸軍第望我火
箭。」火箭舉則齊發而入。于是各貫弓挾矢目逆龍龍。
忽燃火箭而衝蠻鋒。諸軍萬弩進蠻盡墮。旣前執么
兒并胡大漢等九十五人斬三百餘級焚死無算。阿
苟聞么兒被擒哭曰：「九絲不復守矣。」其後餘黨據他
寨者盡爲劉顯等所滅。于是有都都寨九絲之戰。
都都寨寨王名阿墨與九絲蠻同據險稱亂。方諸軍
擊凌霄時卽欲勦九絲而都御史獨決策謂先攻都

都可斷九絲左臂也。是時鎮雄土舍隴清親帥三千軍軍藍澱坡用火攻都都而總兵郭成吳鯨等亦舉火燒董布壩及紅崖逼寨寨中鼓譟出四走會雷雨火熄蠻復聚大兵乃迎諸蠻戰諸蠻皆殊死不可敗翼日顯與成各分兵二路攀崖仰攻而印壩諸苗千餘來援顯回擊却之乃督鎮雄西陽諸土兵更番入新蠻王四首則阿墨在焉乃大搜諸寨生獲阿歐阿常阿瓦阿掛等鹵茶穀金鼓梭槍無算而九絲乃大遷。九絲之蠻以萬數阿大阿二方三其著者也。當是時

阿大阻雞冠嶺而阿二方三嬰九絲城墮疊相攻乃
以麥哥都都相繼滅震懼思詐降以覘虛實會長寧
諸生王希忠琪縣監生何鉅有機智請入賊川問乃
令二人持銀牌綺幣往撫而阿大大喜遽隨二人出
徒跣叩軍門請得備編戶不敢反都御史初疑之必
得阿二方三來始受降旣而予冠帶趨受約束使捕
阿二等自贖阿大乃遁去顧其勢與九絲隔陰爲聲
援將伺我師走隄中則翼而覆之諸將訓實戒勿進
然同時諸蠻若雞冠黃土內官毋猪弓猴崖得居印
靶諸寨則實以阿大降故皆先後歸順九絲由此勢

大孤先是副使李江司轉餉遙從萬山中逆舟而上
中有遺本二灘亂石縱橫水勢直下若建瓴長年循
高崖牽引多死至派僧夫數千人猶不足營山青神
二主簿相繼道斃成都知府陳大壯鳩工鑿二灘值
梅雨暴漲督工巡檢曾本死於水相顧嘆惜至是諸
蠻降諸軍多因糧于賊省轉餉乃遣劉顯爲大將佐
以郭成劉挺冉維屏等將入都都寨而先從
深溝楊柳坡印靶乞口穀爆以扼其險期日請決戰
不勝乃簿責效忠隴清等謂前以一萬騎三日破凌
霄五日破都都寨今合兵五萬騎而連月不克一九

何哉效忠發憤提昇兵食平陰襲賊
日我師方就蠻飽食將登高望而蠻俗以是爲
天大霧晝晦度我師不能至皆盡醉鼾睡譟者得其
狀會暴雨夜半傳發冒雨入攀縋而上未明斬守關
者蠻大驚自殘殺蹈藉我師益衝擊之遂大潰追獲
阿大于雞冠寨斬阿二方三于夜郎大盤之間先後
下寨柵六有奇斬首捕鹵得四千六百餘人酋長
十人篋銅鼓爲詣葛鼓九十三面他若牛羊諸物不
可勝計時阿大見銅鼓跪而泣爲大將軍言曰是鼓
有神凡鼓體剝蝕而聲磳磳者上鼓也可易牛千頭

體澤而聲絳絳者次鼓也可易八百頭蠻人得上鼓
三而可以王矣帝昔與師時擊鼓高山諸蠻聞山
頭鼓聲纂纂來椎牛而饗之而後出行劫劫勝則復
椎牛祭鼓以爲神今可得乎初戎縣以都蠻得名至
是更名曰興文賜驛名曰都寧倉名曰恒裕并易九
絲曰恒蠻凌霄曰拱極都都曰都定印靶曰文印鈎
猴曰降蠻雞冠曰金雞且又通內官寨道置總兵僉
事以鎮臨之隸以府同知一人守禦千戶所一人
隗廈爲印部羌寨有亡命趙永成者與土人葵咱呷
五十呷聚衆將爲亂會竹麻寨攘七執鎮西軍陳黑

子者而強買其婦黑子欲贖之七不從羌俗貿易必
遷居貨至鎮西號爲趕集黑子虔是時七必贏錢至
至則執七索還婦乃約宗人陳禮保捕七七覺跳身
走追至羊圈河禮保發弓射諸羌中羌人龍扒死七
引諸羌案黑子無故殺龍扒當抵擁至傀儡寨值葵
甲卯方舉兵至是號衆曰漢兵將滅我果至矣鳴鼓
登城門從鎮西站縱火燒官廨百戶魏繼武持印走
殺而奪之時王延瞻爲巡撫問于朝且讓守備丘紹
先令鼓罪勦捕而五十甲賈千以寇颯經關道路不
通于是副使景承芳統指揮王選及丘紹先軍竹麻

有裨將李獻忠者獲鴛哥別于鬼皮果寨讞之非鴛
哥別即亡命趙宋成曩時自鬻于五十呬者也五十
呬喪未成如失首目而諸軍破颯經開擣卒猱轉戰
二日諸羌助之張高岡上大小冲三尖三梭各以兵
至官軍用鳥銃連擊連勝于是諸羌皆乘船浮江官
軍追北至江上矢發如雨湛其船羌兵溺水死水爲
不流旦日乘勝復擊之諸羌大敗先是邛部長官嶺
南死有妾沙氏與嶺應昇爭掌印舉火延燒利濟站
而官不之問以故宰猱鐵洗姑都差焚八里鎮蠻平
堡一無所忌今呬呬等猱官解殺二尸并兵與官軍

轉戰而聽其遁逃渠魁未殄何以服蠻衆兵部督
捕甚急王選丘紹先皆按部不動未幾裨將劉經忽
奏記都御史曰僞厦宰猥洗馬竹麻諸寨已捕縛葵
咱叩那一加脚那加賈別冬谷兒短褚張田保鎖那
加等若十人且獻褚那等脫散喇叩僞鮮枯撒脚脚
乞等首級詣軍門叩頭請賞死於是都御史以聞斬
咱叩等鎮西市而諸羌盡服

南路四十八寨惟丟骨人荒沒舌最大兵備

一作千戶

王

詔巡邊至三寨三寨度詔至必道崖下乃竝伏伺詔
過擊詔墜馬死副使林應節乘傳道沒舌沒舌人掠

應節貲裝臨行視其衣萬歷元年寇安化關明年寇
歸化關又明年擊斷我糧道邀奪松潘諸轉運軍食
故事歲正朔撫賞諸夷遣判官資銀幣堂堂道三寨
至是功賞殺官吏黃甲等四人于是御史撫前事奏
遣指揮曹希彬徐承業裨將易鶴陽勦之殊死戰斬
酋長白臉兒而三寨俱起希彬承業乃統諸軍軍楊
廣墩木瓜坪羅鍋嶺諸處十道並發先破人荒寨盡
焚其寨房礪房兩寨見火舉鼓譟自相騰踐然後官
軍並乘之賊大潰死者甚衆其明年正月復賞羌會
他寨媯媯兒子川盼匪三寨導甲仲牛兒等陰入城

以爲耳目賞羌者覺其姦乃搜得四人殺之嘗是時
西有野竹諸羌東有林洞諸羌爲四十八寨其外喇
麻番衆耳何舍思熱浪半熱等皆同時請降三寨盡
平惟疊溪諸羌爲梗跡及白草番議用兵然已久斷
與梁逃黃頭山後拒絕羌衆不與通石泉令張勉往
諭其酋納麻舌皆降且嚴除三寨需索陋例曰新班
錢熱衣錢梁梁錢躑草錢放狗錢掛綵錢斷酒錢而
其後白草復叛

白草風村野猪窩諸寨在武宗朝曾率白若羅打鼓
寇霸底指揮使何卿討平之其後嘉靖中陷平蕃是

時卿已爲都督都御史張時徹奏請仍拜卿爲大將軍捕斬黑殺白石噉喇等于是風村一十七寨並餉餉介肉掛兒寨俄和詣軍門請降願獻馬羊及腦包哈喇弓矢番刀等物都御史王廷瞻許之方刻木盟去亡何他寨若番郡大力孫子皆請歸降效風村故事且得通道大印龍州期日詣軍門兵備使使石泉令李茂元受之羌俗囚首無冠茂元具漢冠易其名姓書冠間相日啟軍門饒吹數部攬樹鼓大鉦令諸羌魚鱗入諸羌聞鼓鉦聲見漢冠及朱杆彩旗乃大喜舉足盤跳舞蹈呼震天乃出漢冠冠諸羌諸羌跪

起各互視其首踊躍東西走既而又跪捧其首以謝
乃言願歲輪黃蠟一觔元日長至赴縣庭朝賀寨樹
一白幘削木祝皇帝萬歲編戶得二千四百四十男
子四千二百五十六女四千一百三十八事聞加賞
資其後楊柳羌寇普安傍近白草風村及小河木瓜
之間頗聞白草導殺寨寨反有據都御史徐元太遽
請兵擊之白草絕殺寨往來自訴歲寨貢黃蠟一觔
賦救糧二斗如故今請益救一斗示不反是時周嘉
謨爲安綿兵備遣龍安知府按驗降冊實得壩底堡
白草河西風村顛轉架孫兒掛馬鹿坪桃桃紅椒蘭

子龍藏野猪窩鵝燕溪啞浪壩照隊太白白羊嶺落
落坡等二十八寨并新降獨坪大卦名對通寧口四
寨編戶如例

西河合集

蕭山毛奇齡

字大可稿

吳興人
項登文蔚校

蠻司合誌 六

四

三

茂州羅打鼓宣德中嘗盜邊上遣大將軍陳懷蔣貴
擊破之弘治六年又帥白若諸寨擾漢境是時房驥
為將軍請國門外建東勝菜園諸墩以備之萬歷初
再入茂州茂州城盡閉驛路不通既而倭霄九絲軍
大捷斬首鹵千級時刁農雞公墩強乃畏威率頭目

列余之等來降于是羅打鼓谷國曰列寨獨密寨並
引寨願附如刁農雞公兵備使王維善下其事指揮
田賦問狀皆稱豫未決茂州知州張安美直前請曰
此古冉駹之國乃六夷七羌九氏地也幸而歸化使
我不受之以示德意其失諸羌心且使諸羌雖當誅
以將軍威重不假斧鉞于境外而款塞踵至將軍其
歸御史御史大夫予以彰國威而風邊境不亦可乎
會虞懷忠爲御史王廷瞻爲都御史皆謂茂州議是
遂受之是歲也生羌血熱血書伯什及黃草坪水磨
溝崖立寨吉革寨亦皆願降如羅打鼓廷瞻乃召諸

羌羗覲之其在黃草坪寨有紅印說太兒等水磨崖
立寨有白說等吉輩有西口巴等

楊柳者疊溪羌也番牌財主兒子至太平堡值鼓刀
屠者擊牛番牌見之垂口涎索強山牛酒強山與之
飲番牌死楊柳疑強山鳩番牌乃于河東邀東路窺
溝大小粟穀丟竹人荒沒舌諸羌于河西邀思答歪
地王答其燕耳別乾溝牛尾諸羌直犯金餅堡大索
賞賜贖番牌死不與遂大鬪指揮豐承業張應時擊
破之復合麻谷蟬蟬寨再寇金餅殺百戶陳克勤去
時黃焯爲兵備請都御史徐元太追勦且按諸指揮

失軍狀。先是指揮田賦。會稱貸于楊柳葉兒。這得五
百金。久不還。兒這每至堡。但飲酒去。兒這怒與諸羌
同入寇。至是竝建訊田賦。而別遣偏將擊樹底雙橋。
西坡牛尾諸寨。俱勝之。乃調天全大渡諸土兵。發樓
船卒。至搭魚背。窺楊柳。方與牛尾麥兒數百人。
張弓弩在河梁。見樓船卒至。弓弩齊發。我師踰河救
殺傷相當。副使劉禹謨復與偏將劉用光。邊之垣議
議先攻麥兒。以分其勢。然後徐圖泉水崖。則楊柳可
禽也。命兵備黃輝重師田賦。豐承業。張應時等使戴
罪殺賊。遂作攻麥兒。以引兵至。果擒其酋長財。

主兒子出礪房所貯青稞麥菽及蜂桶牛羊諸畜以誘我軍我軍不一顧遽舉燎燒土圍礪房而礪川鳥噉百子火礪噴箭諸藥器並擊楊柳楊柳出不意返走自蹂踐乘勝追北至後溝雪山會日暮度楊柳必且走麥兒麻谷預令上官舍坤安溫卜引步兵渡河伏道左楊柳果以詰旦至伏起大敗之諸羌降旣而喇麻機復起犯蒲江關將軍曹銓等引兵堵禦會蟬蚪剽略還自黃沙壩遂逐蟬蚪掃其巢裨將邊之垣等力戰皆捷其明年塞溝大小二姓復寇蒲江關副將朱文達開關迎敵多斬獲于是將軍李應祥兵備

黃焯謀大征諸羌而辨其向背計前殺戮我裨將趙
世爵等及商民四百八十餘人實東路溝窰溝丟骨
入荒西北蜈蚣龍溪土官茹兒阿孝惡鬧王答其燕
戈臘熱溪別栢思答地諸羌其殺我許九等八百二
十餘人者實大小粟穀北定王柱阿牛王龍交舍安
貫烟葱列柯歪地西華牛尾鹿十石砭諸羌他若次
上漢人羊思定雞公上平泥下平泥野和尚亞寨阿
思洞上泥巴呷竹呷二爲熟羌胡子川羊先結阿讓
臘悔老虎爲降羌分別進勦第松邊寒瘠不生五穀
往往糜食他傍郡他傍郡飛芻輓粟佐軍餉不給于

是上書請輸餉并調土官楊應龍冉維屏楊光烈統
播州酉陽平茶天全諸兵及敘馬繼洞兵合二萬餘
而國師喇嘛亦聚阿牛丟骨諸寨兵屯裝塘鐵壘溝
待我軍于是郭成周于德邊之垣等大戰却敵歷破
裝塘沒舌龍溪惡閣寨溝蜈蚣諸寨斬首四百六十
餘級生獲酋長喇嘛灣仲臘臘帳王答兒茹兒及番
婦番女生口無算時惡閣歪頭請降而思答歪地乾
溝以阻河負固如故乃旣克河東羌遂治浮橋擊河
西思答刻柯歪地黑水乾溝大小粟穀凡下十五寨
斬首三百一十餘級生獲酋長黑壤著兒柘川柯絨

柯及日者。瞎子合兒結番婦女一百餘口。先是征楊柳時。捕得生口白失結。旣而逃去。會白泥和尚楊柳歸降。仍命捕白失結。及樹底保保兒子。以贖罪。至是諸羌願降者。當捕其酋長來獻。如白泥和尚例。乃各獻其酋長。閣卜利兒子等數十人。生理之道。傍曰。復反者。有如此冢。又羌初發難。刻石爲誓。其石一在廟子溝。一在牛尾寨。卽命力士椎碎。投于河。諸羌亦曰。所反覆。不如將軍令者。有如此石。其後兵部僭功簿有云。奪得邊輪首骨漆器一具。按之。則嘉靖中茹兒寨羌曾斬指揮邊輪首以爲飲器。至是輪孫之頃于。

攻茹兒時奪其首歸蓋之垣孝子卽輪亦烈士云
漳臘之羌二十九有元壩潘啞商巴石嘴與北庭小
王子吉囊相通嘉靖二十九年吉囊寇河西欲服屬
和兒結自利不從吉囊死其子插幹兒及傳蚌竝富
強仍從服屬和兒結自利仍不從會俺答念吉囊渡
河久託言鐵嶺山有生佛遣他子賓兒往鐵嶺
建寺因盡得插幹兒及傳蚌馬畜而使傳蚌誘和兒
結使和兒結誘自利竝歲奉貢獻萬歷三年俺答親
渡河迎佛入寇牟泥寨包子寺與松城相去止二十
里而元壩潘啞商巴石嘴四寨竝開出物與俺答交

易且以二百騎卷八冠余余壻聲言欲遍寇保定撒喇洮
岷松茂諸邊是時副使來經濟兵備李丁竝請于都
御史李尚思徵天全六番播州土兵得六千人以萬
鑿郭成邊之垣軍漳臘松林西寧諸處以禦之部使
李化龍上書曰松潘者全川之門庭也臣案輿地由
松潘而北則爲漳臘漳臘之北可望洮岷西可望
莽標以松潘而視西部僅有此山爲之間耳其中峻
巖高峻盡屬土番土番外結則爲患不小矣是不可
不早爲備也會俺答實見俱徒去獨火落赤留伏捏
王用和故而兵已旋罷

建昌土酋伍咀咱與土舍馬米粒阿乃等弑土婦恩氏而奪其土田至千餘頃遂率麻科諸羌樹黃幟鼓吹白晝公行東街義坡道中縱火燒房屋殺我軍宋泗高仲彪等千餘人而略軍妻趙氏等有司莫能治先是印部長官嶺柏死其妾沙氏與舍目阿祭通竊柏印與祭祭子嶺鳳起據有其印遂自立于廣洪瓦布寨印部亂至是越僞衛黑骨夷獯阿弓門溪咱等與圖槽王大咱聚黨爲寇殺把總余興國及千戶丁應時等燒軍舍與伍咀咱安守安四兒爲聲援巡撫徐元太遣將李應祥邊之垣朱文建分道進剿先建

昌而後卽越大敗賊衆于河上賊衆走樟木我師力
追之不得旣而過搜磨旗大牛毛山朋士坎及河水
熱水諸寨俘斬甚衆會元日伍咀咱安守將乘間徙
去文達追之逼于阿羅哩乃先斬哪噤咩咱等賊而
諭諸酋來降者當是時麻科諸羌方燒紙房堡平川
驛爲我師所敗爭先乞降而把卜番牌惹加柘等亦
請款塞皆許諾獨贊畫陳忠請曰以予所聞伍咀咱
及安守尚依樟木麻柳魚水以爲險樟木麻柳可通
西番虛耶熱水雲南魚水可通科州烏蒙馬湖會川
縱橫數百里間若不先據其險則西部一通何以卒

應今當以一將軍軍高山堡以備西番一將軍軍別
清以備虛郎一將軍軍魚水以備科州置衆旣布然
後議勦虛白木木拖而事成矣夫虛白木者伍咀咱
之女兄也木拖者安守之所時往來也夫欲擒安守
與伍咀咱則非勦二寨不可于是以王言爲將軍征
木拖果獲安守而虛白木懼告伍咀咱所在擒之橙
村遂并問桐槽黑骨及諸耶部皆次第懾伏惟黑骨
夷阿弓強梁公行相嶺間乃設伏大孤山待阿弓阿
弓至大戰擒斬之時斬首二千級降羌三千酋獲男
婦牛畜無算其所獲器仗中有金冠銀冠各造蟠龍

護其頂而所獲番刀有名梅花聯五道聯者皆羌中
異物當時僭號諸蠻俱佩之

賦乃者卽部屬夷也萬歷初嘗僭號稱王殺略榮丁
賴因村沐川長官安氏以狀聞會廷議方征九絲及
桐槽建昌黑骨諸蠻但設六堡命官軍戍守而其後
諸蠻殄滅始遣總兵李應祥引兵擊之是時蠻畫吳
時泰券記曰沐川北有西姑擺氣拍秧哥東有牛宅
卯色威咱而賦乃酋長撒假寨于安興親外兄弟相
得甚驩要其勢不過依海水爲險耳乃日夜與雷坡
訪九年之屬戕我人民無論其他卽曩者採木之役

往來烏蒙尚索我銀三百八十兩名爲買路他可勝
言哉今案興地則由回龍岡可走黑沱山兩河口可
走涼山由大河壩可走賴因山龍眼岡可走新轍真
用武地也誠欲征之莫若屯軍兩河口以上舍諸兵
由回龍涼山環攻之則視滅膩乃猶射隼耳于是議
大征以守備劉繼祖等爲將軍率總旗胡祿戰于大
赤口賊假張降旗誘祿語射祿祿反走中流矢死繼
祖等皆被執都御史徐元太上書按赤口失律狀而
都司李獻忠直以孤軍擣賊巢諸將郭成等四路並
入擒斬渠魁散假與氣拍秧哥西姑擺諸大會并俘

獲裸衆而獻乃始降其後馬湖設屏山縣御史何倬
陳善後六事多採爲例

石佳女土官覃氏行宣撫事土吏馬那聘惡之每思
奪其印與其黨馬斗斛馬斗霖等集衆數千人持鬪
器同軍縱火燒公舍及民房八十餘所乘勝殺子女
馬瓊英及土民秦那用等一百八十三人略女弟黎
守志齒金銀什物無算覃乃以書請于上大略言臣
自從征鼎茂擊賊大雪山斬首捕鹵皆有級數兩臺
不以臣女流污穢不足採乃幸而賜之獎曰嚴紀律
善衝鋒士婦之傑出者也今那聘無故而過爲殘賊

孤人之子寡人之妻臣豈不能出一旅與之角成敗
決勝負哉以爲非奉命而不敢也今叛人見在臣
請比先年楚金洞合覃碧謀篡事願與叛人同就吏
是年爲萬歷二十二年其明年兵部咨撫按獄未
決會楊應龍反覃與應龍爲姻家而斗斛亦復結應
龍陰相繫援兩家各觀望無暇圖辦獄遂解先是覃
行宣撫時頗有智計然性故淫失曾見應龍有儀幹
悅之與之通軍故有兩子長千乘失愛愛次千駟武
錄作馬斗解帥其子千乘寄貳千漢籍又云使其子
千駟提向來募兵殺馬那資等皆誤以覃氏子爲斗
今改正每欲使千駟襲職謂應龍可恃因聘應龍次

女爲駟妻因緣爲姦至是駟入攝同應龍反長千乘
襲馬氏職乃應調與西陽宣撫冉御龍同征應龍應
龍敗千駟伏誅而千乘襲職如故